

Putredo virulenta est causa Contagionis.

S Acrate *Pæon*, proximum *Apollini*
 Caput, virorum præsidium, decus
 Medentium, fugare morbos,
 Qui potis es malè pertinaces,
 Non obseratis auribus accipe
 Gentis misellæ sollicitas preces,
 Nobisq; jamdudum exultantem
 Restitue, & revoca salutem.
 Cernis tremendâ ut strage superbiat
 Pestis cruenta, & nescia parcere,
 Pergâtq; crudelis parare
 Luctificam Libitina scenam,
 Pulsans pede æquo testa Potentium
 Calâsq; viles? scilicet omnibus
 Equale fatum adest, & omnes
 Pestifero feriuntur arcu.
 En! quale olenti corpore defluit
 Tabum! ut vagatur deciduus cruor!
 Humôrque virosus pererrans
 Membra, cito properat fluente!
 Hinc, hinc, popellus compita per vaga
 Errans veneno spargitur impio,
 Latêq; morbo pervolante,
 Funera funeribus premuntur.
 Non sulphuratis sæta tonitribus
 Tormenta tali clade ferociunt;
 Exors secandi ensis videtur,
 Mortifero modò conferatur
 Contagiosæ pestis acumini.
 Ager nocivo interficit halitu,
 Et virulento ceu timendus
 Interimit Basiliscus ore.
 Mortale nil est immedicabilis
 Immune morbi, prætereuntibus
 Non irrita hæret vis veneni,
 Mox alias habitura sedes;
 Passim evagari, nam nimium sui
 Profusa, gestit. Sic ego putridum
 Pendens onustâ sæpe malum
 Arbore me memini notâsse,
 Quod mox malignas particulas vomens,
 Vicinitatem letiferâ inquinat
 Peste, (ô dolor) putrêque mali
 Pollicitæ meliora foetus.

Lingua est organon Gustûs.

Conticuere omnes: cùm sic retinacula solvens,
 Se dedit in laudes prodiga lingua suas.
 Quamvis semper inest factandis gratia dictis,
 Illa tamen nostræ pars quora laudis erunt?
 Non ad verba procax, & inania jurgia nascor,
 In quibus haud gustus nec sapor ullus inest:
 Verùm ego præfideo mensis, sis *magnus Apollo*
 Tu mihi *Bacche Pater*, Tu mihi *Musa Ceres*.
 Quà fumant pingues, nostra est ea cura, culinæ,
 Solarémve calix itq; reditq; viam.
 Gustavi laudans rhombum sex millibus emptum;
 Libavi pateram, quam *Cleopatra* dedit.
 Sæpe dolens didici quàm sis scelerata sinapis;
 Quàmq; altè penetrent spicula parva salis;
 Quòdq; (sed hîc lætor quòd non mortalibus ægris
 Conveniat) nigrum est sed tamen acre piper.
 Cur gruis optâsti malesane *Philoxene* collum?
 Dic precor, ad gustum quid gula longa facit?
 Quàm meliùs linguas centum optavêre Poëtæ,
 Ut sic centeno dulcius ore bibant.
 Si quando, Lector, fueras ibi, quâ *Rosa* regnat,
 (Quis non sæpe fuit sub statione *Rosæ*?)
 Ter tibi pulsanti, (credas assurgere *Bacchum*)
 Ascendit pleno *Belgicus* ore puer;
 Ampullam gerit in dextrâ, cyathumq; sinistrâ,
 Sublatâ effundens roscida vina manu:
 Quamprimum (ut mos est) summo tenus attigit ore,
 Ipsa ego prægusto, judiciumq; fero.
 Non placet hoc vinum? per dentes despuo jurans
 Pulchrius hoc nec Rex *Galicus* ipse bibit.

ERG O,

Qui negat hoc, opto demissis sobrius alis
 Umbroso in luco te, *Philomela*, canat.